

## *Ars Iudiciaria Astrologi est*

*mera impostura Mundi.*

**D**Eucalion cūr solus aquis elapsus? ab astris  
Senserat vndantes affore solus aquas.  
Sorbete Anticyras: idem situs ingerit Hædos,  
Deucalionæas nec pauet orbis aquas.  
Ede(Thrasylle)gravor pleuritide. vena secāda?  
Abnuo: Luna vetat. Mors mora: luna iubet.  
Herbas quot Nabathæa creat, creat Indus vterq;  
Commisce, hinc vnum pharmacon olla coquat.  
Dic(Podaliri mi)quæ vis, quibus emicet Herbis?  
Secerne. an varijs non color vnus adest?  
Conjice (Damæta) denis auis incubat ouis,  
Hinc quot aues? sequitur mobilis ova calor.  
Coelum avis est, Herba stellæ, nos plasma vel ova:  
Et laurum *Clarius* pro regione novat.  
Dum sæuis Gradiue, tuis calet æstibus Æthra;  
Hinc bilis; trepident altera bella Phryges.  
O stupor! armatumne auro tremet *Oriona*?  
Pectora cui superant liberiora polos?  
Astra famemq; , annumq; , canant, solisq; labores;  
Arbitrij & casus arbiter axis erit?

*Ergo*

Omnis Arabs, mollesq; Syri, tuq; accola Nilo  
Fidere Chaldæo define: nullus erit.

## *Alias.*

Dius inaccessible habitat qui luminis oras,  
Nec potis est cerni, *solus Deus omnia cernit*;  
Auiæ gens hominum veri, sortisq; futuræ,  
Nescia signiferos frustra speculabitur orbes  
Astrorumq; domos & stellimicantia testæ.  
Nimirum nitidi musiuæ Palatia cœli,  
Non ideo pictis lucent variata figuris:  
Sed tantum vt terras candenti luce serenent  
Et gremium *Magna* fecundent lumine *Matris*;  
Hinc ista ætherijs fulgent Emblemata Templis.  
Ille deus, deus ille tui causa omnia fecit,  
Vt tibi iucundo famulentur serua labore,  
Ille dedit, dedit ille tibi *Dominariæ astris*,  
Vitaq; nequicquam nec mors tibi pendet ab illis:  
Sol nihil occasu, Sol nil denunciat ortu,  
Ipse tibi Phœbus, tibi seruit & aurea Phœbe,  
Cæteraq; astrifero labentia sydera Mundo.

Astrorum sperne ergo minas, vultusq; sinistros,  
Quicquid & in triuijs cecinit tibi vanus aruspex.

## *Non est vis agendi verbis*

*aut characteribus.*

**C**Armen, Character, Cabala, infames doli.  
Dum prouocatus rex silentum victima  
Tacitumve fœdus, aut Agyrarum manus  
Amuleta firmant, aut potens ægri fides.  
Nam quis figuris cessit aut numeris vigos?  
Materia Mater quos inermis edidit  
Ad seruitutem nata Arabs, docilis pati?  
Natura mentes(vnde verborum genus)  
Nescit viriles: alia *Mens clauo affidet*.  
Qua tu coerces voce latrantem gulam?  
Nec ille vocum genius, vt mutis agant  
Ominibus, Animi signa, & *Arcis rudera*.  
Pollere rebus signa fas languentibus?  
Quem totus Othrys non leuarit, hunc leuia  
Vocum susurrus barbararum leniet?  
At Saxa sorbet temporum stercutius  
Antistes, at cur tempore haud labant Poli?  
Elumbe Tempus Indicat, non Efficit.  
Numerant, Figurant, Instruunt signa, non Agunt.

*Ergo*

Carmen, character, Cabala, infames Doli.

## *Alias.*

Æacides sæuo mulcauerat Hæctora lætho  
Hæctor Patroclum numeris qui victor, abiuit  
Et bello victor; lepidi figmenta Cerebri.  
Vulcanus læuo, dextro pede læsus Achilles  
Hannibal & Macedo, duo Fulmina Martis, vterq;  
Dextro oculo cæcus, nimirum gnara futuri  
Triste vtriusq; suum demonstrat syllaba fatum:  
Talibus ah pudeat transmittere tempora nugis;  
Non verbis vigor vllus inest, non omen in illis.

Vidi ego cum placidū ventis mare staret, & omnes  
Vnda minas posuit, subito ferventia verri  
Cærule flaminibus, voluiq; ad sydera fluctus.  
Vidi ego cum Croceo Titan fulgeret amictu,  
Palluit & subito tegitur ferrugine vultus,  
Et lunæ mirabar equos consistere cœlo,  
Nec trahere alipedes magno molimine currus.  
Carminis illud opus? vah nugæ, & somnia, verbis  
Non facit hoc, Magici nec tanta potentia Cantus.